

LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 11, redacziun@fmr.ch



Be in di puspè a Brinzauls

Avdantas ed avdants da Brinzauls han pudì visitar puspè il vitg, ma causa trid'aura mo venderdi.

Pagina 2



Onur per «Be Lain»

La Regiun Engiadina Bassa/Val Müstair dat il premi d'innovaziun 2024 a la marangunaria e resgia Be Lain a Ramosch.

Pagina 7

FMR FUNDAZIUN
MEDIAS
RUMANTSCHAS

südostschweiz

ENGIADINA

Ûn plaschair cumbinà cun malatemma

L'eivna passada ha il Tribunal superiur dal Grischun comunicà üna sentenza in connex cul proget turistic «La Sassa» a Tschier in Val Müstair – ün resort da vacanzas cumbinà cun üna pendiculara d'access i'l territori da skis Minschuns. La sentenza procura per plaschair pro la presidenta dal Cumün da Val Müstair, Gabriella Binkert Becchetti. Ella temma però cha'ls recurrents tiran inavant il cas al Tribunal federal. Ils güdischs han nempe tut spraisa pel proget, in quel sen chi han refusà d'üna vart ün recuors da duos organisaziuns per la protecziun d'ambaint. Quellas vaivan miss in dumonda in lur recuors, scha'l proget turistic füss propi important e necessari pel svilup turistic in Val Müstair. Quai ha il Tribunal superiur uossa però confermà. Per la paja ha il Güdisch superiur acceptà il recuors in ün seguond aspet, in connex cun üna piazza da parcar. (pl/fmr)

Pagina 7

GRISCHUN CENTRAL

Cun odur da tschigulatta



La Villa Alva a Mulegns duai daventar in museum. FOTO TONI VINZENS

Il hotel Liun, la Tur Alva ed auters edifizis pli pitschens – la Nova Fundaziun Origen s'engascha dapi intgins onns fermamain per mantegnair e dar nova vita a Mulegns. Il proxim punct culminant è cleramain l'inauguraziun da la Tur Alva il matg 2025. Ma Origen lavura entant gia vid il proxim project, la restauraziun da la Villa Alva ch'il pastizier Jean Jegher ha construì il 19avel tschientaner. En quella duai dar in museum ed ina manufactura da pastizarias sco er in café – ed ils ospes duain vegnir beneventads da l'odur da tschigulatta. L'avertura è planisada il 2026. (fmr/vit)

Pagina 8

SURSELVA

La «Nova Sentupada» a Laax per tschun milliuns

Il davos venderdis sera han las commembras ed ils commembers dalla pleiv catolica da Laax consentiu cun gronda maiortad in credit da treis milliuns francs pil project dalla «Nova Sentupada». Sco gia avon 40 onns, cura che la «Sentupada» ei vegnida baghegiada, sustegnan sper la pleiv era la vischnaunca politica e la fundaziun Pro Laax il project. Allas uniuns ed instituziuns ch'ei activas en vischnaunca stess a disposiziun cun la «Nova Sentupada» in liug d'inscunter modern, funcziunal ed adattaus als basegns dil temps. (fmr/mg)

Pagina 5

Laax ord ina nova perspectiva

Il davos venderdis ha la casa d'art Cularta a Laax envidau all'avertura d'ina nova exposiziun che sededichescha ad in tema che pertucca buca mo il vitg da Laax, mobein tut quellas e quels che vivan a Laax, quels che van e quels che tuornan e restan. «Miu Laax, Tiu Laax» senumna l'exposiziun ch'ei aviarta ils proxims 11 meins. L'exposiziun cumbinescha fatgs cun fantasia, presenta datas e maletgs e muossa la vischnaunca da Laax ord ina nova perspectiva. La fotografa Barbara Truog ei ida cun la camera alla tscherca da fatschas indigenas e secundindigenas. Auturas ed auturs hospitonts drovan plaids – per dar in'otra vusch a Laax. La scola, pri-vats, seniors, uniuns e gruppaziuns ein separticipai cun rimnar datas per l'exposiziun. (fmr/mg)

Pagina 6



FOTO MARTIN GABRIEL

«(...) e zieva as placha culs skis sül matratsch dad ajer.»

Il freestyler Armando Steger da Zuoz trenescha ses trics spectaculars emprim sin il lom. – Pagina 12

Silmeins otg deputai mauncan

Ils 18 da matg 2025 elegia il suveran dad Ilanz/Glion la suprastanza communal ed il parlament da vischnaunca. La pli gronda sfida ei da survegnir avunda candidatas e candidats pil parlament.

MARTIN GABRIEL/FMR

Silmeins otg dils 25 parlamentaris e parlamentararis da Ilanz/Glion ston calar pervia dalla limita d'uffeci. Il president dil parlament Daniel Candinas suppona ch'ei savess era aunc dar ulteriuras demissiuns entochen al termin da demissionar ils 8 d'avrel 2025. A basa dalla limita d'uffeci da 12 onns sto il parlament communal remplazzar otg commembras e commembers. «Ei dat differentas activitads el mument per encurir candidatas e candidats», di Daniel Candinas. «Mintga parla-

«Mintgina e mintgin che cala ei vegnius da mirar per ina successura ni in successur.»

Daniel Candinas, president dil parlament communal Ilanz/Glion

mentaria ni parlamentari che cala vegnius supplicaus da mirar per ina successura ni in successur. Epi ein era certas partidas actualmeins era vidlunder da tschercar candidatas e candidats. Tut auter vesa quei ora tier la suprastanza communal. Leu recandideschan tut ils veders. Il president communal da Glion, Marcus Beer stat a disposiziun per in'ulteriura perioda d'uffeci. Era ils suprastonts Caroline Gasser Curschellas, Martin Capeder, Hanspeter Bundi e Michal Hohl a recandidar ils 18 da matg 2025 per la perioda d'uffeci dil 2026 – 2029.

Pagina 5



Servetsch d'abunents e da distribuziun: tel. 0844 226 226 mail: abo@somedia.ch

9 771424 749004